

書名 大學衍義補一百六十卷首一卷  
嘉靖三十八年福建吉澄等校刊本  
撰者 明丘濬撰  
卷四十六  
內容分類 子-儒家-議論經濟-明  
索書號 大木-總類-政論-諸子-46  
編號 C4492000

# 卷四十六



[彩色首頁1](#)

[東洋文化研究所漢籍目錄 編號: C4492000](#)

[東洋文化研究所漢籍目錄所藏漢籍善本全文影像資料庫 索書號: 大木-總類-政論-諸子-46](#)

[漢籍善本全文影像資料庫文本大學衍義補一百六十卷首一卷 嘉靖三十八年福建吉澄等校刊本](#)

版權所有: 東京大學 東洋文化研究所  
使用上的注意事項

正朝廷


治國平天下之要

大學衍義補卷第一

總論朝廷之政

臣按宋儒真德秀大學衍義格物致知之要既有所謂審治體者矣而此治國平天下之要又有正朝廷而總論朝廷之政何也蓋前之所審者治平之體言其理也此所論者治平之政言其事也一主於知主於行蓋必知於前而後能行於後後





衍義補卷四至四八射





衍義補卷第四十六

明禮樂

王朝之禮中

漢書高祖七年長樂宮成諸侯群臣朝十月漢初以

歲儀儀敘下先平明謁者治禮引以次入殿門廷中陳

車騎戍卒衛官設兵張旗幟傳曰趨傳聲教入殿下

郎中俠陛陛數百人功臣列侯諸將軍軍吏以次陳

西方東鄉文官丞相以下陳東方西鄉大行設九賓

公侯伯子男臚上傳告下告傳於是皇帝輦出房百

官執戟傳警傳聲而引諸侯王以下至吏六百石以

次奉賀自諸侯王以下莫不震恐肅敬至禮畢盡伏

臣按此後世歲首行朝賀禮之始漢承秦制以十月爲歲首故也武帝始行夏正而以正月爲歲首然朝賀之禮則仍其舊用十月焉至後漢始命行朝會禮於正月此禮三代以前雖未有其制然歲序更端之始萬物以新而凡爲臣子者畢來朝會以致其履端之慶亦義之當然也晉書禮志云魏晉冬至日受方國及百僚稱賀因小會其儀亞於獻歲之日

臣按此後世冬至行朝賀禮之始蔡邕獨斷曰

冬至陽氣起居道長故賀夏至陰氣起居道衰故不賀宋人於五月朔亦賀非是

唐書玄宗以帝生日爲千秋節

臣按此後世人君以始生日爲節而表賀之始此前代每一君爲一節如宋太祖爲長春節太宗爲乾明節之類我朝

列聖一以萬壽聖節爲名未有易也竊惟今日承前代故事爲三大節元旦冬至

聖誕是也前代惟至日行禮未有先期習儀者有之始自我

朝蓋以此禮雖非唐虞三代之制然臣子所以致敬

君上而敦其水木本源之心以致其祝頌補報之願者於是乎在苟群聚於一時而不豫習於先日則不免臨期參差失誤故凡遇三大朝若內若外先期二日於寺觀演習者謹之至也謹之至以其禮之大以上朝賀禮

虞書群后四朝敷奏也進以言明試以功車服以庸

庸曰

朱熹曰五載之內天子巡狩者一諸侯來朝者四

蓋巡狩之明年則東方諸侯來朝于天子之國又明年則南方之諸侯來朝又明年則西方之諸侯來朝又明年則北方之諸侯來朝又明年則天子復巡狩

程頤曰敷奏以言者使各陳其爲治之說言之善者則從而明考其功有功則賜車服以旌異之其言不善則亦有以告飭之也

臣按有虞之世巡守之年四方諸侯隨地各朝于方岳巡守之後四方諸侯分年各朝於京師蓋是時封建之制行諸侯世守其國恐其歲月

易流人心易懈上下易隔故其為制如此若夫  
罷侯置守之後任用不久遷補無常因時制宜  
惟可行三年朝覲之典三考黜陟之法焉  
本朝雖無虞朝群后四朝之制然三年朝覲三  
考黜陟蓋得有虞之意於千載之下也

周禮大行人主賓客之官掌大賓之禮及大客之儀以親

諸侯春朝諸侯而圖天下之事圖其可否秋覲以比邦國

之功比其高下夏宗以陳天下之謨謨是非冬遇以協諸侯

之慮慮有異同時會以發四方之禁無常時相見也殷同以施天

下之政衆見曰同時聘以結諸侯之好時聘曰問殷頌以

除邦國之慝殷頌曰視問問以諭諸侯之志問歲歸

服以交諸侯之福分祭祀之祚賀慶以贊諸侯之喜

有喜慶事則慶賀之致檜以補諸侯之裁檜祈禳也有

臣按先儒有言君臣之禮不可以不接不接則

上恩不下流下情不上達嫌疑易以生毀譽易

以入易天地不交則否柔進而上行則錫馬蕃

庶晝日三接也先王知其如此故制諸侯之朝

以之圖事比功陳謨協慮發禁施政則言何以

不見納行何以不見知姦邪何以介其姦左右

何以塞其路漢刺史奏事京師其亦知此意歟

粵自秦罷侯置守此禮不復講然後世所謂部  
使者監司守令即古者諸侯也其制雖不可卒  
復其意則不可以不存蓋天子奉天命以治天  
之民所以致天子之命而施之民者監司守令  
也分雖懸絕而心則不可以不親親之爲言親  
暱恩愛之謂也古者天子制爲是禮以親當世  
之諸侯世異勢殊其禮雖不能一一行之於今  
然能即前日所以親諸侯之心以爲今日所以  
親監司守令之禮千古猶一日也大行人所掌  
者朝覲宗遇會同六者諸侯之覲於王者也間

問歸賑賀慶致禴四者天子致愛於諸侯者也  
諸侯以禮致其敬天子以仁致其愛尊卑之意  
通上下之誠達尚何猜疑間二之爲患哉先王  
所以親諸侯也如此後世人主其尚體古人親  
諸侯之心以親今日監司守令乎

禮記天子當依上聲而立諸侯北面而見天子曰覲天  
子當宁而立諸公東面諸侯西面曰朝

鄭玄曰依狀如屏風以絳爲質高八尺東西當戶  
牖之間繡爲斧文亦曰斧袞天子見諸侯則依而  
立負之而南面以對諸侯也宁者門屏之間謂之



寧人君視朝所寧立處蓋竚立以待諸侯之至  
游桂曰禮不可一端盡也不有君臣相臨之禮則  
無以見大君之尊不有賓主相與之禮則無以見  
同姓異姓親親之恩夫諸侯之中有伯父焉有叔  
父焉有伯舅焉有叔舅焉有兄弟焉有昏姻焉三  
王家天下所恃以爲天下者不獨恃其形勢也天  
子以親親之恩而臨諸侯諸侯亦以親親之恩而  
報天子上下和睦同獎一姓所以數百年長久安  
寧而無患由此之故且尊卑之分不統於一聖人  
固以爲不可天子之尊諸侯之卑其自然之分固

然諸父兄弟舅甥昏姻相去之遠而久不相見  
於其來朝忘親親之恩專以分臨之聖人之心無  
乃有所不安於此此親親之恩賓主之禮所以行  
於春朝而異於覲禮之受於廟而臣皆北面也此  
三代之至文聖人待諸侯之禮備矣

臣按三代之時封建諸侯以分治其民其所以  
分土而爲諸侯者非王室懿親則有功之臣及  
前代之後也自秦罷侯置令列爲郡縣之制歷  
代分封宗室及有勲庸之臣多無分地其間親  
王固有之國者然亦有不出國門者焉我

太祖分封親藩以大國雖有分地而無分民其制雖不盡合於周然斟酌漢唐之制最得其中制為禮儀凡親王來朝在外廷則行君臣禮於便殿則行家人禮既有以尚親親之恩又有以存君臣之義蓋得三代所以待諸侯之禮若前代專用君臣禮則過於無恩專用親親禮則過於無義皆非中道也以上諸侯來朝禮周禮大宗伯以飲食之禮親宗族兄弟以饗燕之禮親四方之賓客

鄭玄曰親者使之相親人君有食宗族飲食之禮

所以親之也文王世子曰族食世降一等大傳曰繫之以姓而弗別綴之以食而弗殊百世而昏姻不通者周道然也

王安石曰宗族兄弟飲食之而已致其愛故也四方賓客則有饗燕之禮致其敬故也

臣按燕饗之禮不同饗以訓恭儉燕以示慈惠然皆所以飲食之也

大行人以九儀辨諸侯之命等諸侯之爵以同邦國之禮而待其嘉客上公之禮饗禮九獻食禮九舉諸侯之禮饗禮七獻食禮七舉諸伯如諸侯之禮子男

饗禮五獻食禮五舉

鄭玄曰九儀謂命者五公侯伯子男也爵者四孤  
卿大夫士也

吳澂曰饗禮者設盛禮以飲賓也公九獻侯伯七  
獻子男五獻食禮者以飲爲主也舉者一曰舉牲  
體也一曰舉樂也公九舉侯伯七舉子男五舉

掌客掌四方賓客之牢禮餼獻飲食之等數與其政  
治王合諸侯而饗禮則具十有二牢庶具百物備諸  
侯長謂上公九十有再獻命作伯者

賈公彥曰魯哀公七年吳來徵百牢子服景伯對

曰周之王也制禮上物不過十二以爲天之大數  
也上公以九爲節則十二者是王禮之數

臣按古者天子之於賓客有饗有燕饗在朝燕  
在寢饗重而燕輕饗則君親獻燕則不親獻

詩序曰鹿鳴燕群臣嘉賓也既飲食之又實幣帛筐  
篚以將其厚意然後忠臣嘉賓得盡其心矣

朱熹曰雅者正也正小雅燕饗之樂也歡忻和悅  
以盡群下之情鹿鳴燕饗賓客之詩也蓋君臣之  
分以嚴爲主朝廷之禮以敬爲主然一於嚴敬則  
情或不通而無以盡其忠告之益故先王因其飲

食聚會而制爲燕饗之禮以通上下之情而其樂  
歌又以鹿鳴起興而言其禮意之厚如此庶乎人  
之好我而示我以大道也記曰私惠不歸德君子  
不自留焉蓋其所望於羣臣嘉賓者唯在於示我  
以大道則必不以私惠爲德而自留矣嗚呼此其  
所以和樂而不淫也與

范祖禹曰食之以禮樂之以樂將之以實求之以  
誠此所以得其心也賢者豈以飲食幣帛爲悅哉  
夫昏姻不備則貞女不行也禮樂不備則賢者不  
處也賢者不處則豈得樂而盡其心乎

黃德秀曰鹿食苹則相呼呦呦焉而樂君臣賓主  
之相樂亦猶是也

臣按易言天地交而爲泰觀鹿鳴諸詩天子所  
以燕饗其臣者如此此泰和之治所以後世不  
能及歟

四牡勞使臣之來也

朱熹曰此勞使臣之詩也夫君之使臣臣之事君  
禮也故爲臣者奔走於王事特以盡其職分之所  
當爲而已何敢自以爲勞哉然君之心則不敢以  
是而自安也故燕饗之際叙其情而閔其勞言駕

此四牡而出使於外其道路之回遠如此當是時豈不思歸乎特以王事不可以不堅固不敢徇私以廢公是以內顧而傷悲也臣勞於事而不自言君探其情而代之言上下之間可謂各盡其道矣范祖禹曰臣之事上也必先公而後私君之勞臣也必先恩而後義

皇皇者華君遣使臣也

朱熹曰此遣使臣之詩也君之使臣固欲其宣上德而達下情而臣之受命亦惟恐其無以副君之意也

燕兄弟也

毛萇曰常棣之木衆華俱發實辯辯而光明故與兄弟

朱熹曰此燕兄弟之樂歌故言常棣之華則其鄂然而外見者豈不辯辯乎凡今之人則豈有如兄弟者乎

呂祖謙曰踈其所親而親其所踈此失其本心者也故此詩反覆言朋友之不如兄弟蓋示之以親踈之分使之反循其本也

伐木燕朋友故舊也自天子至於庶人未有不須友

大學衍義補

卷二



以成者親親以睦友賢不棄不遺故舊則民德歸厚

矣其末章曰伐木于阪醴酒以茅泝去其糟有行也多也籩豆有

踐陳列貌兄弟無遠言皆在也民之失德乾餱食之薄者以愆過

有酒亦醴也滑我無酒酤也買也我坎坎鼓我蹲蹲舞我迨

我暇矣飲此滑矣

朱熹曰此燕朋友故舊之樂歌末章言人之所以

至於失朋友之義者非必有大故或但以乾餱之

薄不以分人而至於有愆耳故我於朋友不計有

無但及閑暇則飲酒以相樂也

臣按此詩可見人君之於其臣下非但有大

享若夫閑暇之時其於諸侯諸舅朋友故舊亦

必有燕飲以篤其恩義云

天保下報上也

古註曰鹿鳴至伐木皆君所以下其臣臣亦歸美

于上崇君之尊而福祿之以答其歌

朱熹曰人君以鹿鳴以下五詩燕其臣臣受賜者

歌此詩以答其君言天之安定我君使之獲福也

王安石曰君恩至重臣雖有犬馬之勞不足以上

答故惟稱其福祿以報之此出於懽心而不強以

為者也

朱熹曰當是時君以鹿鳴四牡皇華燕羣臣以常  
棣燕兄弟以伐木燕朋友而臣之所以答其君者  
如此君燕其臣臣媚其君此所以上下交德業成  
而均享盛大悠久之福也與

臣按古者人君以嘉禮賓之者有四焉宗族兄  
弟也朋友故舊也孤卿大夫士也公侯伯子男  
也其禮之行也有饗焉有食焉有燕焉然其燕  
也有因祭而餽有因勞而勞有因閑暇而會  
謂饗者享太牢以飲賓几設而不倚爵盈而不  
飲以訓恭儉也食者是爲饗禮之中舉樂以

牲體焉燕則異於饗食之禮示以慈惠其樂無  
筭也取其驩而已其爵無筭也取其醉而已至  
若中庸曰燕毛所以序齒坊記曰因其酒肉聚  
其宗族以教民睦則是祭畢而燕四牡皇皇者  
華所歌則是因勞而勞伐木之辭所謂迨我暇  
矣飲此湑矣則是因閑暇而時會也噫三代盛  
時上下之情相親相愛有如此者後世人主之  
於臣下以勢臨之而已以利啗之而已以法驅  
之而已無復三代和合親比氣象凡其所以歲  
時燕饗之者一惟按故事而始爲之禮焉耳若



夫朝夕所以相與燕好而飲食者不出乎宮闈  
永巷之中左右便辟使令之人治欲復古得乎

蓼蕭詩之首章曰蓼長大貌彼蕭也斯零露漙漙漙漙然

兮既見君子指諸侯言我心寫輸兮燕謂燕飲笑語兮是以

有譽也善譽也處安樂也兮

朱熹曰諸侯朝于天子天子與之燕以示慈惠故

歌此詩言蓼彼蕭斯則零露漙漙矣既見君子則

我心輸寫而無留恨矣是以燕笑語而有譽處也

其曰既見蓋於其初燕而歌之也

臣按先儒謂諸侯來朝天子天子見之而得以

輸寫其心而無所留恨相與燕飲笑語和悅則

上下可以保有聲譽與和樂也苟上於下也有

所疑而不敢盡其情下之於上也有所畏而不

敢申其意則是上下不交否之時也禍端亂萌

皆由於此尚何保有其安樂於是又乎

湛露天子燕諸侯也其詩曰湛湛露盛貌露斯匪陽不

晞乾也厭厭安也夜飲燕私不醉無歸湛湛露斯在彼豐

也草厭厭夜飲在宗宗室露載考成也在宗室湛湛

露斯在彼杞棘顯明允信君子指諸侯莫不令善德

其桐其椅其實離離垂也豈弟君子莫不令儀

朱喜曰此亦天子燕諸侯之詩言湛湛露斯非日  
則不晞以興厭厭夜飲不醉則不歸蓋於其夜飲  
之終而歌之也令德謂其飲多而不亂德足以將  
之也令儀言醉而不喪其威儀也

臣按先儒謂此詩前兩章厭厭夜飲所以道其  
情之相親也後兩章言令德令儀又美其德將  
而無醉也是詩蓋於褒美之中而寓規戒之意

左傳昭公五年楚薳啓疆曰聖王務行禮朝聘有珪  
享饗也頰見也有璋小有述職諸侯適天子大有巡功天子巡狩設  
九而不倚爵盈而不飲言務禮宴有好貨殮有陪加也

入有郊勞出有贈賄禮之至也

臣按設几而不倚爵盈而不飲即聘儀所謂酒  
清人渴而不敢飲肉乾人饑而不敢食也宴有  
好貨即詩序所謂鹿鳴燕群臣嘉賓既飲食之  
又實幣帛筐篚以將其厚意也古者人君之於  
臣下有享禮以嚴其分有燕禮以通其情此上  
下所以交而為泰也歟

漢高祖長樂宮成諸侯群臣皆朝賀禮畢置法酒禮酌不飲至醉諸侍坐殿上皆伏抑首抑屈也以尊卑次起上  
壽觴九行謁者言罷酒御史執法舉不如儀者

臣按此後世大朝賀宴會之禮所由起自漢行  
歲首慶賀禮魏晉以後又有賀冬至禮唐中葉  
又有所謂賀生日禮皆於是日行禮畢設大宴  
以享百官我

朝禮儀視前代爲備文臣四品以上及諸學士  
武臣都督以上皆宴殿上經筵官及翰林講讀  
官尚寶卿六科都給事中暨文臣五品堂上官  
武臣都指揮以上官宴中左中右門翰林院中  
書舍人左右春坊御史欽天監太醫院鴻臚寺  
官及五品以上陪祀官宴于丹墀是日行禮畢

該宴官更衣立殿外俟

上至升座樂作入拜進花進酒跪俟

上飲訖乃起即席簪花啐酒酒凡九進湯五進群

臣則殺其二每歲三大朝賀及

郊祀禮成行慶成禮凡四舉焉遇有故則賜鈔

以代宴惟

慶成則否臣竊以謂正旦長至遇故免宴可也

惟

萬壽聖節天下藩服重臣親齎

表賀有自萬里而來者無不望一霑醉酒飽德

之恩請命禮官舉行之

宋志宴饗之設所以訓恭儉示惠慈也宋制常以春秋之季仲月及誕聖節郊祀藉田禮畢巡幸還京凡國有大慶皆大宴群臣於集英殿次宴紫宸殿小宴垂拱殿有司預於殿庭設山樓排場爲群仙隊仗六番進貢九龍五鳳之狀宰相率百官入宣徽閣門通唱致辭謝宰相升殿進酒各就坐酒九行曲宴七行或五行每上舉酒群臣立侍次宰相次百官舉酒或傳旨命酌卽皆搢笏起飲再拜曲宴多不拜或上壽更衣賜花有差其郊祀藉田禮畢皆設大宴上元觀燈及苑囿池

樂觀稼較獵遊幸所至亦常以暮春朝近臣賞花餞魚於苑中其或兩府使相赴鎮還朝咸賜宴

臣按此宋朝賜宴之儀

臣聞

國朝洪武永樂宣德中時有賜宴近年以來雖三大朝賀蓋久不舉而所謂曲宴者益稽闕矣竊惟一張一弛文武之道人臣終歲勤劬職業幸而得一日醉飽之歡是乃君上莫大之恩澤古之人君所以致其臣庶竭忠盡力以至於殉國以身此亦其一機也但不可施諸非其人而流於褻耳

宋太宗時直史館陳靖言古之宴饗者所以省禍福而觀威儀也故宴以禮成賓以賢序風雅之作茲爲盛焉伏見內殿賜宴群臣拜舞方畢趨馳就席品列之序糾紛無別及至尊舉爵群臣起立先後不整俯仰失節欲望令有司預依品位告諭其有踰越班次拜起失節喧譁者並令糾舉

至道中御史中丞李昌齡言廣宴之設以均飫賜供事禁庭當定員數籍姓名以謹其出入酒殽之司或虧精潔望分命中使巡察從之

真宗咸平三年學士梁顥請以春秋大宴小宴賞花

行幸爲四圖頒下閣門遵守從之

臣按人君賜宴於臣人臣受宴於君非徒飲之食之而已也內則以廣恩惠外則以觀威儀施恩者固當以禮受賜者尤當以敬苟進退拜起之無節固臣之罪矣若夫酒殽之或虧精潔禮度之或至簡略亦豈人君禮待其下之道哉李

昌齡請命中使巡察梁顥請以所宴爲圖在

今日亦所宜行焉

虞書歲二月

當巡守之年二月

東巡狩至于岱宗秦柴燔柴祀天

望山川秩牲幣祝于山川肆覲東后東方諸侯協時四月

月之正日甲乙同律十二度分寸量倫合升衡斤鈞

石脩五禮吉凶軍五玉圭璧三帛纁玄二生羔鴈一死

雉贄贄所執以如也五器五禮卒畢乃復五月南巡

守至于南岳衡山如岱禮八月西巡守至于西岳華山如

初十有一月朔巡守至于北岳恒山如西禮歸格也至于

藝祖即文祖用特牛二五載一巡守

朱熹曰卒乃復者舉祀禮覲諸侯一正朔同制度

脩五禮如五器數事皆畢則不復東行而遂西向

且轉而南行故曰卒乃復二月東五月南八月西

十一月北各以其時也古者君將出必告于祖禰

歸又至其廟而告之孝子不忍死其親出告反面之義也

呂祖謙曰巡守而歸苟民物有一不得其所其見

祖廟有愧必矣想舜歸格之時此心無愧對越在

廟慰愜可知也

臣按先儒有言巡守所以維持封建後世罷封

建以為郡縣之制萬方一國四海一家如肢體

之分布如心手之相應萬里如在殿廷州縣如

在輦轂挈其領而裘隨舉其綱而網順正不必

屈

九重之尊千乘萬騎之禁衛百司庶府之扈從以勞民而傷財也苟慮事久而弊生而欲有以考察而振作之遣一介之臣付方尺之詔璽書所至如帝親行天威不違天顏咫尺孰敢懈怠哉然則帝舜巡守非歟臣故曰巡守所以維持封建也

大行人十有二歲王巡守殷國

王安石曰王巡守則諸侯各朝于方岳王不巡守則會諸侯而殷見或巡守或殷國其出而省焉一也

呂祖謙曰巡守之禮此乃維持治具提攝人心聖人運天下妙處大抵人心久必易散政事久必有闕一次巡守又提攝整頓一次此所以新新不已之意然唐虞五載一巡守周却十二年方舉蓋周時文治漸成禮文漸備所以十二年方舉巡守之事此是成王知時變識會通處

臣按呂氏謂舜五載巡守周十二年巡守爲成王知時變識會通臣竊以謂在虞時則可五載在周時則可十二年在後世罷封建立州郡之時守令不世官政令守成憲雖屢世可也在今

日時變會通之要所以提攝整頓之者誠能擇  
任大臣每五年一次分遣巡行天下如漢唐故  
事雖非古典亦古意也

孟子天子適諸侯曰巡狩巡狩者巡所守也諸侯朝  
於天子曰述職述職者述所職也無非事者春省耕  
而補不足秋省斂而助不給夏諺曰吾王不遊吾何  
以休吾王不豫吾何以助一遊一豫爲諸侯度今也  
不然師行而糧食饑者弗食勞者弗息眊眊胥讒民  
乃作慝方命虐民飲食若流流連荒亡爲諸侯憂從  
流下而忘反謂之流從流上而忘反謂之連從獸無

厭謂之荒樂酒無厭謂之亡

朱熹曰巡所守巡行諸侯所守之土也述所職陳  
其所受之職也皆無有無事而空行者而又春秋  
循行郊野察民之所不足而補助之故夏諺以爲  
王者一遊一豫皆有恩惠以及民而諸侯皆取法  
焉不敢無事慢遊以病其民也

臣按天理人欲同行異情遊豫爲諸侯度天理  
也流連爲諸侯憂人欲也孟子言古之帝王與  
今之諸侯其遊豫雖同而其所以遊豫者一則  
爲諸侯之法一則爲諸侯之憂天理人欲之異



也

秦始皇二十七年巡隴西北地出鷄頭山過回中

臣按有虞之時五年一巡守周十有二年王乃時巡所以巡方觀民非爲遊樂也然又必以四岳爲底止之地出必有期行必有方未有頻年出行遊蕩如始皇者也今年巡隴西北地至回中明年上鄒嶧繼是渡淮浮江至南郡登之罘刻碣石門至雲夢上會稽直至沙丘崩而後已其後漢武隋煬亦效尤焉漢武幸而不敗然海內虛耗所損亦多矣煬帝南遊竟死於江都說

者謂二君者假望秩省方之說以濟其流連荒亡之舉千乘萬騎無歲不出遐方下國無地不到至於民怨盜起覆祚殞身曾不旋踵雖秦隋所以召亡者固非一端然儻非遊蕩無度則河決魚爛之勢亦未應如是其促也

文中子叔恬曰舜一歲而巡五嶽國不廢而民不勞何也曰無他道也兵衛少而徵求寡也

臣按時異世殊上古之時風氣淳樸人用未滋故人君所以奉身用度者未至於華靡故其巡行兵衛可以不備而徵求不至於過多後世則

不然雖時君有仁愛之心恭儉之德然兵衛少則不足以防姦徵求寡則不足以備用不若深居九重求賢審官內委任大臣以帥其屬外分命大臣以治其方則垂拱仰成不出國門而天下治矣以上

以上王朝之禮中

大學衍義補卷之四十六

大學衍義補卷第四十七

明禮樂

王朝之禮下

儀禮大射之儀君有命戒射宰戒百官有事於射者射人戒諸公卿大夫射司士戒士射與替者替佐也謂士佐

執事不射者前射三日宰夫戒宰及司馬射人宿視滌

臣按宰冢宰天官治卿也將有祭祀之事當射宰告於君君乃命之射人則戒公卿大夫之與射者司士則戒士之為贊佐者前射之三日宰夫則戒冢宰與司馬凡大射則合其六耦而司